



RESOLUCIÓN DA XERENCIA DE XESTIÓN INTEGRADA DE VIGO DO 31 DE OUTUBRO DE 2018 POLA QUE SE PUBLICA A RELACIÓN PROVISIONAL DAS PERSOAS ASPIRANTES ADMITIDAS E EXCLUÍDAS NO CONCURSO DE MOBILIDADE INTERNA VOLUNTARIA DO PERSOAL ESTATUTARIO FIJO DO ÁMBITO DE ATENCIÓN HOSPITALARIA, CORRESPONDENTE A DIVERSAS CATEGORÍAS DE PERSOAL SANITARIO DIPLOMADO E DE FORMACIÓN PROFESIONAL E DE PERSOAL DE XESTIÓN E SERVIZOS, CONVOCADO POR RESOLUCIÓN DA XERENCIA DO 12 DE XULLO DE 2018.

Mediante Resolución da Xerencia de Xestión Integrada de Vigo do 12 de xullo de 2018 convocouse concurso de mobilidade interna voluntaria para diversas categorías de persoal estatutario fixo do ámbito de atención hospitalaria.

A base sexta da convocatoria, na redacción dada por Resolución da Xerencia do 17 de outubro de 2018, establece que unha vez avaliadas as solicitudes presentadas trasladaránse á Xerencia unha proposta coas listaxes provisionais das persoas aspirantes admitidas e excluídas na convocatoria, con indicación, no seu caso, da causa de exclusión.

Á vista da proposta, procede a publicación das listaxes provisionais das persoas aspirantes admitidas e excluídas, así como a apertura de prazo de reclamación segundo o disposto nas bases da convocatoria.

Con baseamento no exposto, esta Xerencia, de conformidade co Decreto 46/2013, de 7 de marzo (DOG núm. 54, do 18 de marzo) polo que se regula a Estrutura Organizativa de Xestión Integrada de Vigo e en virtude das funcións e competencias atribuídas no Decreto 168/2010, do 7 de outubro (DOG núm. 199, do 15 de outubro), e da Orde do 5 de xullo de 2012 (DOG núm. 139, do 20 de xullo) sobre delegación de competencias en órganos centrais e periféricos do Servizo Galego de Saúde,

RESOLVE:

Primeiro. Declarar, con carácter provisional, as persoas aspirantes admitidas e excluídas no concurso de mobilidade interna voluntaria, convocado pola Resolución do 12 de xullo de 2018 para as categorías de Enfermeira/o, Enfermeira/o Especialista en Saúde Mental (ningún aspirante presentado), Fisioterapeuta, Logopeda, Terapeuta Ocupacional, TSID, TCAE, Grupo Auxiliar da Función Administrativa e Celadora/a.



Segundo. As listaxes coa relación provisional de persoas admitidas e excluídas, con indicación do motivo de exclusión, publicaranse na intranet e nos taboleiros de anuncios da EOXI de Vigo.

Terceiro. As persoas aspirantes excluídas disporán dun prazo de dez días hábiles, contados a partir do día seguinte ao da publicación desta resolución para poder emendar, de ser o caso, o defecto que motivou a súa exclusión, mediante escrito dirixido á mesma Xerencia e Unidade de Validación á cal se dirixiu a instancia de participación, que se deberá presentar nun rexistro administrativo ou a través de calquera dos procedementos do artigo 16.4 da Lei 39/2015, do 1 de outubro, do procedemento administrativo común das administracións públicas.

Disporán do mesmo prazo de reclamación as persoas que, tendo presentado debidamente solicitude de participación no proceso, non consten como admitidas nin excluídas na relación publicada.

Cuarto. A estimación ou desestimación das solicitudes de emenda entenderase implícita na resolución pola que se aprueba, con carácter definitivo, a relación de persoas admitidas e excluídas que se publicará igualmente na intranet e nos taboleiros de anuncios da EOXI de Vigo.

Vigo, 31 de outubro de 2018

O xerente de Xestión Integrada de Vigo

Félix Rubial Bernárdez

DILIXENCIA:

Para facer constar que con esta data procédese á publicación da presente Resolución:

Vigo, 31 de outubro de 2018

A directora de Recursos Humanos

Ana M^a Gómezáñez Álvarez